

ХУУЛЬ ТОГТООМЖ, ТОГТООЛ, ШИЙДВЭРИЙН
2023 ОНЫ 11 ДҮГЭЭР САРЫН ХЭРЭГЖИЛТЭД ХИЙСЭН
ХЯНАЛТ-ШИНЖИЛГЭЭ, ҮНЭЛГЭЭНИЙ ТАЙЛАН

2023 оны 12 дугаар сарын 05

Улаанбаатар хот

Хууль тогтоомж, тогтоол, шийдвэрийн тус байгууллагад холбогдох зүйл, заалтуудын 2023 оны 11 дүгээр сарын хэрэгжилтэд Засгийн газрын 2020 оны 206 дугаар тогтоолоор баталсан “Бодлогын баримт бичгийн хэрэгжилт, захиргааны байгууллагын үйл ажиллагаанд хяналт-шинжилгээ, үнэлгээ хийх нийтлэг журам”-ын дагуу хяналт-шинжилгээ хийж, үр дүнг дараах байдлаар үнэлэв.

Хяналт-шинжилгээ, үнэлгээнд Засгийн газрын тогтоол, Засгийн газрын хуралдааны тэмдэглэлд тусгагдсан 6 арга хэмжээний 6 зүйл, заалтыг үйл ажиллагаандаа хамруулснаас нийт үнэлгээгээр 98.3 хувийн гүйцэтгэлтэй үнэлэгдлээ. Үүнээс 100 хувьтай буюу бүрэн хэрэгжсэн 5 зүйл, заалт, “тодорхой үр дүнд хүрсэн” буюу 90 хувийн гүйцэтгэлтэй 1 зүйл, заалт байгаагийн хэрэгжилтийг дараах байдлаар тайлагнасан байна. Үүнд:

Арга хэмжээ-1: Монгол Улсад 30 хүртэл хоногийн хугацаагаар жуулчлах хавсралтад дурдсан улсын иргэдийг 2025 оны 12 дугаар сарын 31-ний өдрийг хүртэл Монгол Улсын визийн шаардлагаас чөлөөлсүгэй. 2.Энэ тогтоолын хэрэгжилтийг хангаж ажиллахыг Гадаад харилцааны сайд Б.Батцэцэг, Хууль зүй, дотоод хэргийн сайд Х.Нямбаатар нарт даалгасугай.

Хэрэгжилт: Засгийн газрын 2023 оны 01 дүгээр тогтоолоор Монгол Улсын цахим виз олгох улсын жагсаалтад багтаж байсан Европын улсууд болон Австрали, Шинэ Зеланд зэрэг 34 улсын иргэнийг визийн шаардлагаас чөлөөлснийг үндэслэн “Визийн мэдээллийн нэгдсэн сан” систем (evisa.mn)-ээс дээрх 34 улсыг дурдсан улсыг хасаж, шийдвэрийг мөрдөн ажиллаж байна. /Хэрэгжилт 100 хувь/

Арга хэмжээ-2: Хил орчмын аялал жуулчлалыг хөгжүүлэх, бэлтгэл хангах арга хэмжээ авах, үйл ажиллагааг тусгайлан зохицуулсан хөтөлбөр боловсруулж батлуулан ажиллахыг Байгаль орчин, аялал жуулчлалын сайд Б.Бат-Эрдэнэ, Гадаад харилцааны сайд Б.Батцэцэг, Хууль зүй, дотоод хэргийн сайд Х.Нямбаатар нарт;

Хэрэгжилт: “Монголд зочлох жил”-ийн хүрээнд Байгаль орчин, аялал жуулчлалын сайдын 2023 оны 08 дугаар сарын 10-ны өдрийн А/314 дүгээр тушаалаар байгуулсан ажлын хэсгийн бүрэлдэхүүнд тус байгууллагаас Виз, зөвшөөрлийн газрын дарга ажиллаж, 11 дүгээр сарын 03-ны өдөр “Хил орчмын аялал жуулчлалын үйл ажиллагааг зохицуулах журам”-ын хэлэлцүүлэгт оролцсон. /Хэрэгжилт 100 хувь/

Арга хэмжээ-3: Тогтоол батлагдсантай холбогдуулан “Монгол Улсын визийг цахимаар авах улсын жагсаалт”-д өөрчлөлт оруулах, гадаадын бусад улсыг нэмж хамруулах асуудлыг холбогдох байгууллагын саналыг харгалзан шийдвэрлэхийг

Хууль зүй, дотоод хэргийн сайд Х.Нямбаатар, Гадаад харилцааны сайд Б.Батцэцэг нарт даалгав.

Хэрэгжилт: Засгийн газрын 2023 оны 01 дүгээр сарын 04-ний өдрийн 01 дүгээр тогтоолоор зарим улсын иргэнийг визийн шаардлагаас чөлөөлснийг үндэслэн “Визийн мэдээллийн нэгдсэн сан” систем (evisa.mn) дэх бүртгэлээс хавсралтад дурдсан 34 улсыг хасаж, Гадаад харилцааны сайд, Хууль зүй, дотоод хэргийн сайдын 2023 оны 02 дугаар сарын 03-ны өдрийн А/09, А/53 дугаар хамтарсан тушаалаар 98 улсыг цахим виз олгох улсын жагсаалтад нэмснийг уг системд бүрэн нэвтрүүлж, нийт 99 улсын иргэнд цахим визийг олгож болохоор зохицуулсан. /Хэрэгжилт 100 хувь/

Арга хэмжээ-4: Тогтоол батлагдсантай холбогдуулан гадаадын иргэдийг Монгол Улсын хилээр нэвтрүүлэх, бүртгэл, хяналтыг сайжруулах чиглэлээр зохих арга хэмжээ авч ажиллахыг Хууль зүй, дотоод хэргийн сайд Х.Нямбаатар, Гадаад харилцааны сайд Б.Батцэцэг, Гадаадын иргэн, харьяатын газар (Н.Ууганбаяр), Хил хамгаалах ерөнхий газар (Х.Лхагвасүрэн), Тагнуулын ерөнхий газар (П.Одонбаатар) нарт даалгав.

Хэрэгжилт: Энэ оны өссөн дүнгээр 30586 иргэнд цахим виз олгосноос Монгол Улсын Засгийн газрын 2023 оны 01 дүгээр тогтоол болон Гадаад харилцааны сайд, Хууль зүй, дотоод хэргийн сайдын 2023 оны А/09, А/53 дугаар хамтарсан тушаалыг мөрдөж эхэлснээс хойш тайлант хугацаанд “Визийн мэдээллийн нэгдсэн сан” систем (evisa.mn)-ээр нийт 30050 гадаадын иргэнд цахим виз олгосон. /Хэрэгжилт 100 хувь/

Арга хэмжээ-5: Иргэдийн зорчих нөхцөлийг хөнгөвчлөх талаар БНСУ-ын холбогдох байгууллагатай хэлэлцээ хийх үүрэг бүхий Ажлын хэсэг байгуулж, энэ хүрээнд дараах асуудлыг хэлэлцэхийг Хууль зүй, дотоод хэргийн сайд Х.Нямбаатарт:

-Монгол Улсын Засгийн газар болон БНСУ-ын Засгийн газар хооронд байгуулсан Нийгмийн хамгааллын тухай хэлэлцээрт холбогдох нэмэлт, өөрчлөлт оруулах замаар харилцан нийгмийн даатгалаас чөлөөлөх хугацааг нэмэгдүүлэх, төлөгдсөн нийгмийн даатгалын буцаан олголтод хамаарах визийн ангилал хүрээг нэмэгдүүлэх;

-БНСУ-д эмчилгээ хийлгэж буй иргэдийг дэмжих зорилгоор тус улсын эмнэлгүүдийн төлбөрийн хөнгөлөлтийг эдлүүлэх болон эрүүл мэндийн даатгалд хамрагдах;

-Хөдөлмөрийн гэрээгээр БНСУ-д ажиллаж буй монгол иргэдийн эцэг, эх, үр хүүхэд, гэр бүлийн зүгээс тус улсад зорчих виз хүсэхэд тодорхой хөнгөлөлт эдлүүлэх.

Хэрэгжилт: Бүгд Найрамдах Солонгос Улсаас Монгол Улсад суугаа Онц бөгөөд бүрэн эрхэт элчин сайдтай 11 дүгээр сарын 29-ний өдөр уулзалт зохион байгуулж, Монгол Улсын иргэнд олгох олон удаагийн визийг нэмэгдүүлэх, Монгол Улсад томилогдон ажиллаж буй Консулын орон тоог нэмэгдүүлэх, визийн төвийн

сонгон шалгаруулалтын ажлыг эрчимжүүлэх талаар санал тавилаа. /Хэрэгжилт 90 хувь/

Арга хэмжээ-6: Монгол Улсаас хилийн чанадад суугаа дипломат төлөөлөгчийн газар, байнгын ажиллагаатай хилийн боомтод төрийн үйлчилгээний цэгийг нээхэд бүх талын дэмжлэг үзүүлж ажиллахыг Гадаад харилцааны сайд Б.Батцэцэг, Монгол Улсын сайд, Боомтын сэргэлтийн Үндэсний хорооны дарга Б.Тулга, Хууль зүй, дотоод хэргийн сайд Х.Нямбаатар нарт.

Хэрэгжилт: “Монгол, Хятадын хилийн боомтын менежментийн хамтын комиссын 5 дугаар хуралдаан”-аас гарсан шийдвэрийн хэрэгжилтийн талаар Хилийн боомтын захиргаанаас зохион байгуулсан цахим хуралд 11 дүгээр сарын 20-ны өдөр оролцов.

Хилийн Замын-Үүд боомтын цагийн горимд өөрчлөлт оруулах, боомтын бэлэн байдлыг хангаж, бэлтгэл ажлыг эхлүүлэх чиг үүрэг бүхий ажлын хэсгийн 3 дугаар хуралд 11 дүгээр сарын 29-ний өдөр оролцлоо. /Хэрэгжилт 100 хувь/

Гадаадын иргэн, харьяатын газрын 2023 оны 11 дүгээр сарын Монгол Улсын хууль тогтоомж, тогтоол, шийдвэрт тусгагдсан зорилт, арга хэмжээний нийт хэрэгжилт 98,3 хувьтай үнэлэгдлээ.

Цаашид нийт арга хэмжээний үр дүнг бууруулахгүйгээр чанаржуулж, “тодорхой үр дүнд хүрсэн” 1 арга хэмжээний биелэлтийг бүрэн хангаж үр дүнг дахин тайлагнаж ажиллах шаардлагатай.

ГАДААДЫН ИРГЭН, ХАРЬЯАТЫН ГАЗАР